



127. ԿՏՐՏՎԱԾ ՏՂԻ ՀԵՔԻԱԹԸ:

Ժամանակով ըլում ա, չի ըլում մի թաքավոր ա ըլում: Էս թաքավորին իրեք տղա ա ունենում, իրեք էլ ախշիկ: Թաքավորը որ շատ մենձացած ա ըլում, կանչում ա իրա իրեք տղին օսիաթ ա անում: Ասում ա.— Ա՛յ որդիկ, ես մենձացել եմ, մի քանի օրից հետը կը մեռնեմ, ես ձեզ օսիաթ եմ անում, քիմ իրեք հատ ախշիկը որ մարդու տալու ըլեք, առաջի անգամը տվ՛ տր կը գա կուզի՝ կը տաք նրան:

Մի քանի ժամանակից հետո թաքավորը մեռնում ա:

Օրերից մի օր թաքավորի պուճուր տղեն տանը չի ըլում, ավդուշ ա գնացած ջլում, իրիգունը գալիս ա տունը, տենում ա մենձ քիրը նոթերը կիտած նստել ա: Էքսի օրն էլ որ էթում ա՝ գալիս ա տենում էն մի քիրն էլ ա նոթերը կիտե. վերջի օրն էլ՝ պուճուրը:

Մի օր հարցնում ա քվորտանցը, ասում ա.— Խի՞ եք նոթերներդ կիտե:

Մենձ քիրն ասում ա.— Բա ի՞նչ անենք, իրեք քվորտա էլ ուզընկան եկան դեերը, ոչ մեկին էլ չտվեց մեր մենձ ախպերը:

— Դե որ ըտենց ա,— ասում ա,— էտ դեերը ո՞րդի են:

Մենձ ախշիկը դեերի տեղն ասում ա, տղեն կանչում ա իրանց մեհտարներից մեկին, ասում ա.— Կէթաք Սև դեին, Սպիտակ դեւիկն, Կարմիր դեին կասեք՝ թաքավորի պուճուր տղեն. ձեզ կանչում ա:

Մեհտարը գնաց, էքսի օրը դեերին վե կալավ էկավ:

Դեերը որ էկան հասան թաքավորի պալատը, տղեն որ դեերին տեհավ, ասեց.— Դուք ո՞րդ եք իմ քվերտանց ուղըմ:

Սե դեն ասեց. «Ես մենձ քվորդ ի ուղըմ», Սպիտակ դեն ասեց. «Ես էլ միջնակին ի ուղըմ», Կարմիրն էլ ասեց. «Ես էլ պուճուրին ի ուղըմ»:

Բերեց ամենքին իրան ուզածը տվեց: Ախարսիներ շատ ին նախանձըմ պուճուր տղի վրա, դեերը որ էտ բանը իմացան, վեկալան իրանց ուզածները ու պուճուր աղից շնորհակալություն հայտնեցին, իսկ մեծերիցը չէ, էլան գնացին:

Խաբարը տանք մի ուրիշ թաքավորից: էտ թաքավորը մի սիրուն ախչիկ ուներ. տվ որ գալիս էր ուզելու, չէր տալի: Տեսավ, որ ուզընկանները շատ են զոռ անըմ, բերեց իրա դուանը մի քառասուն գազանոց ֆոր քանդեց, ամեն երկիր էլ շառ քցեց, ասեց.— Ով որ կարենա էս ֆորի վրովը ձին թոցնի՝ իմ ախչիկը կը տամ ընտրան:

էս թաքավորի պուճուր տղեն էլ մի լավ ձի ուներ. պուճուր տղեն որ էտ բանը իմացավ, վեկացավ նստավ իրա ձին ու քեցգնաց էտ թաքավորի երկիրը: Գնաց հասավ թաքավորի քաղաքին, տեհավ ամենքը մի դհից ձի են քշում, որ ֆորի վրով թոցնեն, բայց չեն կարըմ: էտ օրը էտ տղի ձին սպիտակել էր, հեռվից տեհան, որ մի սպիտակ ձիավոր ա գալի: Մեկ էլ տեհան էկավ ֆորի վրովը թոցրեց ու անցավ էն դիհը: Սաղ զարմացած կայնան, թաքավորն ասեց.— էտ տղեն բերեք, իմ ախչիկը տամ ըտրան:

Տղեն քեց քաղաքից դուրս էկավ: էքսի օրն էլ էկավ, քեց ֆորի վրովը թոցրեց: էտ օրը ձին կարմրել էր: Երրորդ օրն էլ էկավ էլի ֆորի վրովը թոցրեց. էտ օրն էլ ձին սևացել էր: Թաքավորն ասեց.— Ես էս իրեքից տրի՞ն տամ ախչիկս:

Վազիր-նազիրներն ասեցին.— Թաքավորն ապրած կենա, էտ երեքն էլ որ կա՝ առաջի գալոզ տղեն ա, օրեց-օր ձիու ունգն ա փոխում:

Թաքավորը զարմանալով կանչեց տղին.— Ա՛յ տղա,— ասեց,— որ դու ըտենց քաշ տղա ես, ես իմ ախչիկը պտի տամ քեզ, բայց դու ղոչաղ ըլի, որ ախչիկը, մի դարվեշ կա, ընտրա ձեռքից ազատես:

Տղեն ասեց.— Իմ հավլունի թուրը երկիր կը քանդի, դարվեշը կարա՞ իմ ձեռիցը ախչիկ փաղցնի:

Թաքավորը կանչեց ախչիկան, տվեց տղին ու ասեց.— Տար, հալալ ըլի քեզ, միայն դարվեշի ձեռիցը, ղոչաղ ըլի, ազատա:

Տղեն վեկալավ ախշկան, բերեց: Շատ էր էկե՝ քիչ, ճամփին մտածեց. «Իմ մենձ ախպերտինքը կնիկ շունեն, ես որ ըստրան տանեմ, ախպերտինքս տենսն, անպատճառ իմ ձեռից կը խլեն, լավն էն ա, էթամ մի զաղի մեջ, հաց-մաց տանեմ, ընգի ապրեմ ո՛չ ախպերտինքս իմանան, ո՛չ էլ դարվեջը»:

Դու արի տես՝ դարվեջը էտ տղի ետևից դարառւ էր քաշում. տղեն գնաց հասավ մի ձոր, էն ձորի մեջը մի զաղա գտավ, ըտեղ նստեց թաքավորի ախշկա հետ:

Տղեն օրական էթում էր հանդը ավղուշ, թաքավորի ախշկան էլ ասում էր.— Ես որ քեզ մի սհաթ շտենամ, կը գժվեմ: Օրական կը վեկենաս, կը կայնես մեր զաղի քարափի գլխին, որ ես հա՛, քեզ տենամ:

Թաքավորի ախշիկը օրական ըտենց էր անում:

Խաբարը տանք դավրեջից: Դավրեջը որ իմացավ ախշկա տեղը, վեկացավ գնաց իրա լալազար ձին բերեց ու ձիուն ասեց.— Քանի՞ սհաթըմը կարաս թաքավորի ախշկանը հասնես:

Ձին լեզու ըլավ, ասեց.— Վեկաց նստի վրես, աչքդ խփա, բաց արա՝ կը հասնեմ թաքավորի ախշկան:

Դարվեջը նի էլավ, աչքը խփեց, բաց արեց, տեհավ թաքավորի ախշկա կուշտն ա: Բերեց թաքավորի ախշկա ձեռ ու ոտը կապեց, մի հատ մենձ փետ գրեց ախշկա տեղը, մի շոր էլ քցոց փետի ղլխին, որ տղեն շիմանա թաքավորի ախշկան տարել են, դարվեջը վեկալավ ախշկան ու գնաց:

Տղեն իրիգունը ուրախ-ուրախ տուն դառավ: Տեհավ որ թաքավորի ախշիկը տեղից ժաժ չի գալի. մոտացավ, տեհավ մի հատ փետ երկնցրած ա, մի հատ շոր էլ վրեն քցած: Տղեն որ տեհավ՝ խելքը գնաց, վեր ընկավ: Շատ էր մնացե, քիչ, մեկ էլ տեսավ ուշն էկավ գլուխը, ասեց. «Վե կենամ էթամ մեր փեսեքին հայտնեմ, բալքի իմանան, թե դարվեջը որդի ա տարել ախշկանը»:

Վեկացավ, նիլավ ձին, գնաց մենձ դեի տունը: Գնաց մտավ դեի տունը, քիրը, որ տեհավ պուճուր ախպերը էկել ա, ուրախ-ուրախ բերեց ախպորը պատվեց, ասեց.— Ա՛յ ախպեր, հլա արի մտի տախտի տակը, թող քու մենձ փեսեն գա, ես ասեմ քու միր-ղամներից մեկը էկել ա, տենամ նա ինչ կասի:

Տղեն մտավ տախտի տակը, իրիգունը դեը տուն էկավ, թաքավորի ախշիկը դեին ասեց.— Աշկտ լիս ըլի, միրզամդ էկել ա:

Դեև ասեց.— Մենձը ըլի՞ մենձ թիքեն անգաճը կը թողամ, միջնակն ըլի՞ նմանապես, պուճուրն ըլի՞ գլխիս վրա տեղ ունի:

Ասըմ ա.— Պուճուր ախպերս ա էկի:

Դևն ասըմ ա.— Տնաշե՛ն, բա խի՞ ես թաք կացի, վեկաց ուտենք, խմենք, քեփ անենք:

Տղեն դու ա դալի տախտի տակից: Ուտըմ են, խըմըմ են պըրծնըմ են, տղեն ըսկսըմ ա իրա գլխի էկածը պատմել դեհն: Դևը որ իմանըմ ա, ասըմ ա.— Իմ միջնակ ախպերը կիմանա ըտրա տեղը, գնա նրա կուշտը:

Տղեն ասըմ ա.— Դե որ ըտենց ա, ա՛ն էս դանակը քու կուշտը, որ էս դանակը բացվի՛ իմացի, որ ես նեղ տեղ եմ, արի հասի:

Տղեն վեկացավ գնաց միջնակ քվոր տունը: Բերեց միջնակ քիրն էլ ըտքան պահեց, որ տենա դեի սիրտը իրա ախպրտանց վրա ցավը՛մ ա:

Դևը իրիկունը տուն էկավ, ախլիկը գնաց առաջն ու ասեց.— Աշկդ լիս ըլի, միրզամդ եկել ա:

Դևն ասեց.— Մենձը ըլի՛ մենձ թիքեն անգաճը կը թողամ, միջնակը ըլի՛ նմանապես, պուճուրն ըլի՛ գլխիս վրա տեղ ունի:

էս որ ասեց, տղեն տախտի տակիցը դուրս էկավ. կերան, խմեցին, քեֆ արին պրծան, նստան, տղեն իրա գլխի էկածը պատմեց:

Դևն ասեց.— Օ՛, էտ իմ պուճուր ախպերը կիմանա, գնա պուճուր ախպոքս կուշտը:

Տղեն ասեց.— Դե որ ըտենց ա, ա՛ն էս հայլին քու կուշտը, որ օրը որ հայլու էրեսը խավարի՛ իմացի, որ նեղ տեղն եմ, հասի ինձ օգնության:

Տղեն վեկացավ գնաց: Գնաց հասավ պուճուր քվոր տունը: Պուճուր քիրն էլ բերեց տղին պահեց, իրիկունը դևը տուն գալուց ախլիկը գնաց դեի առաջը, ասեց.— Աշկդ լիս ըլի, միրզամդ էկել ա:

Ասեց.— Մենձը ըլի՛ գնա դու աբա, թող էթա: Միջնակը ըլի՛ էլի դու աբա, թող էթա, որ պուճուրը ըլի՛ կյանքս դուրքան ա ընտրան:

էտ որ ասեց, տղեն դու էկավ թախտի տակից, փաթաթվեցին իրար, նորից նստան կեր ու խում արեցին, տղեն գլխի էկածը պատմեց դեհն:

Դևն ասեց.— էտ դարվեշը որ կա՛ էս աշխարքը քանդել ա, գուր տեղը մի ախլկա համա մի էթա, կյանքդ բազա տա:

Տղեն ասըմ ա.— Չէ՛, ես պտի էթամ:

— Դե որ,— ասըմ ա,— կէթաս, դարվեջի տունը Սև ծովի, Սպիտակ ծովի կուշտն ա, կարաս՝ գնա բեր:

Տղեն ասըմ ա.— Դե որ ըտենց ա, առ իմ մատանիքը, դիր մատդ, որ մատանիքը սևացալ՝ իմացիր, որ նեղ տեղն եմ ընկե, արի ասի:

Տղեն վեկացալ, գնաց: Գնաց հասալ Սև ծովի, Սպիտակ ծովի կուշտը, մի հատ օխտը էտածանի ամարաթ կար, ասեց. «Կա՛ էս ա դարվեշի տունը, չկա՛ էս ա»: Գնաց կայնալ էտ տների տակը. ասեց. «Ո՞նց իմացնեմ ախչկան, որ վեկանա, փախչենք»: Դուռը ծեծեց՝ չիմացալ, կամաց ձեն տվեց՝ չիմացալ, մի քար վեկալալ քցեց՝ շուշեն ջարդալ: Ախչիկը շուշի շարդաժ տեղից գլուխը հանեց, թամաշ արեց, տեհալ, որ թաքավորի տղեն ա. էկեւ ա, որ իրան տանի: Վեր էկալ ուրախ-ուրախ տղի հետ փաթաթվան իրար:

Ախչիկը ասեց.— Վեկա՛ց էթանք, դարվեշը հմի կը գա:

Տղեն ախչկանը նստացրեց ձիու թարքը ու փախցրեց տարալ: Շատ էր գնացե՛ քիչ, գարվեշը եկալ տունը, տեհալ թաքավորի ախչիկը չկա: «Հա,— ասեց,— կա՛ թաքավորի տղեն ա տարե, չկա՛ թաքավորի տղեն ա տարե»:

Գնաց ձին քաշեց գոմից, նստալ, հավալամիշ էլալ երկինքը, շատ գնաց՝ քիչ՝ հասալ տղին:

— Հե՛յ,— ասեց,— թաքավորի տղա, ո՛ւր ես տանըմ իմ կնիկը:

Թաքավորի տղեն որ դարվեշին տեհալ, չոքերը դողաց: Դարվեշը հասալ մի սիլա տվեց տղին ու ախչիկը ձեռիցը խլեց տարալ:

Թաքավորի տղեն նորից ընկալ ախչկա եգեվը, գնաց տեհալ, որ դարվեշը տունը չի, ախչկան կանչեց վե բերեց ցած, էլետ դրեց ձիու վրեն, փախցրեց:

Նստ էր գնացե, քիչ՝ դարվեշը էկալ տունը, տեհալ, որ թաքավորի ախչիկը չկա, քաշեց նստեց ձին ու թուրը վեկալալ, գնաց:

Ախչիկը դառալ ետ թամաշ արեց, ասեց.— Ա՛յ տղա, էլետ էկալ:

Ասալ.— Տես՝ հեռո՞ւ ա, թե՛ մոտ:

Ախչիկը թամաշ արեց ու ասեց.— Տղա՛, դարվեշը հասալ:

Մեկ էլ տեհալ փշշալով վեր էկալ աղաքները:

Ասեց.— է՛, թաքավորի տղա, որ ես քեզ չփրթեմ, դու քու դնին չես կայնի: Թուրը քաշեց ու տղին ղիմա-ղիմա կոտորեց:

Ախչիկը լաց էլալ, տղի կտորները թոփ արեց, լցրեց ձիու խուրջինը ու բրախեց, ձին գնաց:

Դարվեջը վեկալավ ախչկան ետ բերեց, ասեց.— Թե որ մեկ էլ կը տանի՝ թող պարծենա:

Խաբարը տանք դեբրից. պուճուր դեը տեհավ մատանիքը սևացել ա. «Օհ,— ասեց,— թաքավորի տղին փորձանք ա պատահել»: Վե կացավ ու առանց խոսալ գնաց միջնակ ախպոր կուշտը: Ասեց.— Ա՛յ միջնակ ախպեր, քեզ նշան չի՞ տվե մեր միրզամը:

Միջնակ ախպերը մտիկ արեց, տեհավ հայլին խավարել ա, ասեց.— Հայլին խավարել ա, կա-չկա՞ մի բան ա պատահել:

— Որ ըտենց ա, վեկաց գնանք մեր մենձ ախպոր կուշտը: Գնացին մենձ ախպոր կուշտը, տեհան մենձ ախպոր դանակն էլ ա բացվե: Մենձ դեն ասեց.— Հա՛յ գիտի, վեկացեք էթանք տղի հավարին:

Վեկացան հենց տանից դուս էկան, տեհան թաքավորի տղի ձին գալիս ա, բայց վրեն մարդ չկա: Վազան ձին բռնեցին, տեհան խուրջնի մեջը տղի ջանդակի կտորները լցրել են: Լաց ըլելով բերեցին մենձ դեի տունը, ամենքը մի հնար սկսեցին ձեռք բերելը: «Բա ո՞նց անենք, լավացնենք թաքավորի տղին»:

Մենձ դեը ասեց.— Կտորները շարելը ձեզանից, լավացնելը ինձանից, ճամփու դնելը միջնակ ախպորից:

Պուճուր ախպերը ջանդակի կտորները տեղը տեղին դրեց. մենձ ախպերը բերեց կտորները կարեց, ձուժը քսեց մի շորի վրա, տղի ջանդակը դրեց շորի մեջը ու փաթաթեց, որ կտորները չխախտըվի իրարից: Նորից վեկացավ գնաց իրա տան պահած անմահական ջուրը բերեց, մի կաթ լցրեց տղի բերանը: Տղեն զարթնեց ու աշկերը տրորեց.— Օ՛,— ասեց,— ինչ ջատ քնել եմ:

Մենձ դեն ասեց.— Ի՞նչ քնել, ինչ բան, այ տնաշեն, կտորներդ հազար ին դառե:

էլի նորից ախչիկը միտն ընկավ.— Ա՛խ,— ասեց,— ես պտի գնայի թաքավորի ախչիկը բերեի, մտահան եմ արե:

Մենձ դեն ասեց.— Վերջ տո՛ւր, ափսոս ես:

Տղեն չլսեց, վեկացավ գնաց: Միջնակ դեը տարավ ճամփու դրեց ու գառավ էկավ:

Տղեն գնաց հասավ դարվեջի տներին: Ախչիկը որ տեհավ, ինքն իրան զարմացավ, ասեց.— Ա՛յ տղա, ափսոս չե՞ս դու, թող գնա ուրիշի առ, էլի: էլ ինձանից էս աշխարհումը չկա՞:

Տղեն ասեց.— Կաս-չկաս՞ դու ես, ես քեզ պտի տանեմ:

Ասըմ ա.— էլ ինձ չես կարա զոռով տանել, մնում ա մի հնարք անել:

Տղեն ասում ա.— Դե որ ըտենց ա, դու նրա հոգու տեղը իմա-

ցի, ես կէթամ էնտրա հոքին կը բռնեմ, հոքուն կը սըպանեմ, բալ-
քի նա մեռնի:

Ախշիկն ասում ա.— Լավ, դու գնա թաք կաց, ես կիմանամ՝
քեզ կասեմ:

Տղեն էթըմ ա տափ ա կենում, դարվեջը տուն ա գալի, տե-
նում ա ախշիկը նոթերը կիտել ա, ասում ա.— Հը՛, ի՞նչ կա, թա-
քավորի ախշիկ:

— Ինչ պտի ըլի, դու սաղ օրը էթըմ ես, քե համա ման ես
գալի, ես տունը մենակ գժվում եմ. հոգուդ տեղն էլա շես ասում,
որ մեկ-մեկ հետը խոսամ:

— Է՛, տնաշեն, — ասըմ ա, — իմ ֆոքին որ կա, էն ավելն ա,
որ մաշվեց՝ ես կը մեռնեմ:

Էքսի օրը դարվեջը էթում ա ման դալու, ախշիկը ավելը
ճխտում ա թունդիրը: Տղեն գալիս ա ախշկան հարցնում ա.— Իմա-
ցա՞ր, — ասում ա, — հոգու տեղը:

— Իմացա, լավ էլ կրակեցի:

— Ի՞նչն էր, որ կրակեցիր:

Ասեց.— Ավելն ա:

Ասեց.— Քեզ խափել ա, ավելից էլ հոգի կըլի՞: Մի լավ իմա-
ցիր, էքուց ինձ ասա:

Ախշիկը տեհավ, որ իրիկունը դարվեջը տուն էկավ, էտ օրը
ավելի շատ նոթերը կիտեց, նստավ:

Դարվեջը հարցրեց.— էսօր խի՞ ես նոթերդ կիտել:

Ասեց.— Ընենց բան ես խոսըմ, որ էփած հավն էլ կըծիծաղի,
ավելն ի՞նչ ա, որ հոգի ըլի, դու ինձ շես հավատըմ, էլ ես քու կուշ-
տը խի՞ եմ ապրում:

Դարվեջը տեհավ, որ թաքավորի ախշիկը շատ ա նեզանըմ,
ասեց.— Ա՛յ տնաշեն, ինչ ես ուղըմ իմ ֆոքուց, իմ ֆոքին որ կա՝
Սե ծովի, Սպիտակ ծովի արանքին մի սպիտակ դե կա, ընտրա
փորին ա: Մի պուճուր դուտկի մեջ իրեք հատ ծիտ ա, որ էն ծտերը
սատկեն՝ ես էլ կմեռնեմ:

Մնաց, առավոտը դարվեջը գնաց ման գալու, ախշիկը վեր
էկավ, վազավ տղի կուշտը ու ասեց.— Ա՛յ տղա, էսօր լավ իմա-
ցել եմ:

— Հը, — ասեց, — ի՞նչ ա, չըլի էլի խափել ա:

Ասեց.— Սե ծովի, Սպիտակ ծովի արանքին մի սպիտակ դե
կա, դարվեջի հոքին ընտրա փորի մեջն ա, մի դուտկի մեջ իրեք
հատ ծիտ ա:

— Լավ, — ասեց տղեն, — որ ըտենց ա, ես կէթամ կը սպանեմ:

Տղեն ձին նիլավ ու գնաց: Գնաց հասավ Սև ծովի, Սպիտակ ծովի արանքը, տեհավ հեռվից մի շանավար գև ա էրևում: Դեւ որ ըտրան տեհավ, ընենց եգին էկավ դըբա տղեն, որ ընրա գալու ծովի լափինը շուռ էր գալի իրար գլխի, էլ գևի աշկերը բան չէր տենում: Տղեն որ տեհավ դևի գալը, տվեց գնաց Սև ծովի մեջտեղով էկավ, որ դևի քամակից տա: Բայց դևի աշկին էն տղեն չէր էրևում, ջրի լափինը ընդար որ շուռ էր գալի գլխին: Տղեն մոտեցավ դևի ետևից հավլունի թուրը որ քաշեց, էն սըհաթը դարվեցի գլուխը ցավաց: «Օ՛,—ասեց,— տղեն հոգուս տեղը իմացել ա՞՞ փազեց:

Թող դարվեշը գնա, մենք խաբարը տանք տղից: Տղեն հասավ դևին, որ մի հատ հավլունի թրով շտվեց՝ դևի օխտը գլուխն էլ վրիցը կտրեց: էն սհաթը դևի փորը ճղեց, տեհավ, որ մի պուճուր շուշե դուրթկ կա մեջը, դուրթկը վե կալավ, բաց արեց, մի ծիտը հանեց, շըլինքը քաշեց ու քցեց: Դարվեշը քիչ թուլացավ ու վազեց դըբա տղեն: Տղեն որ տեսավ դարվեշը գալիս ա, էն մեկի շլինքն էլ քաշեց: Դարվեշը աղաչելով մոտեցավ ասեց.— Դու քու աստվածդ, էտ մեկն էլա տուք:

Տղեն ասեց.— Մոտ արի՛, տամ:

Դարվեշը մոտացավ, տղեն ծտի գլուխը բռնեց իրա ձեռը, շանդակը տվեց դարվեշին:

Դարվեշը ձեռը մեկնեց, ափալ-թափալ ծիտը բռնեց, հենց բռնելուն պես, տղեն թափ տվեց ու գլուխը մնաց իրա ձեռը, շանդակը՝ դարվեշի: Հենց էտ սհաթը դարվեշը մեռավ ու իշավ ջրի տակը: Տղեն նորից ուրախ-ուրախ էկավ դարվեշի տունը, աներկյուղ մտավ նեքսև: Ախչիկը որ տեհավ, վազեց փաթաթվեցավ:

— Հը, ի՞նչ արի՛ր,— ասեց ախչիկը:

— էն օրին քցի, որ նա էլ քու էրեսը տենա՛, սըպանեցի՛, ծովը քցեցի:

Որ ըտենց ա, արի նստենք մի իշտահով հաց ուտենք:

Նստան հաց կերան, պրծան, վեկացան դարվեշի տան թանգավին ապրանքները սառ վե կաշան ու գնացին: Գնացին հասան իրանց երկիրը: Պատրաստություն տեհան, բերեցին Դարաչիչակու եզան միսը, Ծղվարդի՛ հացը, Աղրուլազա՛ բրինձը, Գյուլաբլվա՛ հղը, Ղըզըլթամուրա՛ գինին, Հաջիղարի՛ արաղը: Մարդը դրեց կանչեց իրա փեսեքին՝ Սև դևին, Կարմիր դևին, Սպիտակ դևին ու իրա իրեք քվորը: Օխտը օր, օխտը քշեր հարսանիք արին: Նրանք հասան իրանց մուրազին, դուք էլ հասնեք ձեր մուրազին: Երկնքից իրեք խնձոր վե՛ր էկավ. մեկը՝ ասողին, մեկը՝ լսողին, մեկն էլ ալամ աշխարին: